



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hierakosophion

Demetrius <Pepagomenus>

Lvtetiae, 1612

vj. Aliud remedium, quod Gregorius composuit.

urn:nbn:de:hbz:466:1-12846

facies, si lentem & rutam in puluerem re-
degeris, & miscueris cum oleo Hispanico,
ipsique dederis comedenda.

Aliud remedium.

MASTICHÆ, absynthij, euphorbij,
mellis, laseris, singulorum vncia, be-
tonicæ semuncia, olei rosacei libra, cumini
vnciæ binæ: omnia misceantur, contun-
dantur, hisque caro conspersa detur acci-
pitri.

Ad omne genus difficultatis spirandi.

RADICIS argalicæ, butyri, singulas vn-
cias, aloë exiguum, contundito, læui-
gato, præbeto primo die treis offas, secun-
do die quinque, tertio septem, quarto cibus
detur suilla caro; ne exeat ex cauea, sed illic
clausus teneatur sexdecim dies, ita vt cum
illinc exhibit, ne sit pinguis.

*Aliud remedium, quod Gregorius
composuit, quod continet,*

EUPHORBII, piperis, thuris, masculi
costi, spicæ Indicæ, croci, caryophylli,
nardi spicatæ, radicis iunci, aloë in formam
iecoris concretæ, pediculariæ, betonicae,
singulorum vnciam; medullæ ceruinæ,
bytyri Pontici, balsami, mellis, cumini, olei
Hispanici, singulorum selibram.

Qij

Aliud.

Succus pomi Cydonij aut citrij cum melle veteri mistus præbeatur accipitri ex suilla carne lixa.

Ad difficultatem spirandi pituitosam.

DIFFICULTATE spirandi, quæ profiscitur ex pituita cognosces accipitrem laborare, cum oscitatur & vomit: ita curabis. Liquidam picem mundam in treis globulos redactam ex melle dabis deuorandam, ad solemque ipsum ligatum habeto, vsque dum mel euomuerit; deinde manu gestabis, columbino pullo elixo, aut mure Pontico pasces, idque per triduum facies.

Aliud.

Cynoxestam ex oleo aut vino bono contundito, præbeto ex ipso quotidie globulos quinque in mediam carnem abditos. hoc facito per triduum. interea columbina carne ipsum alito, & sanabitur. Aut ipsi dabis offas treis primo die, secundo quinque, tertio septem, & per hoc triduum subrumi catuli cœci carnes elixas dabis, aut tragacanthæ vnciam, spicæ Indicæ semunciam, aut cynamomi vnciam, amomi semunciam, mellis despumati quantum